

Ўзбекистон Республикасининг ҚОНУНИ

Илм-фан ва илмий фаолият тўғрисида

Қонунчилик палатаси томонидан 2019 йил 22 июлда қабул қилинган
Сенат томонидан 2019 йил 11 октябрда маъқулланган

1-боб. Умумий қоидалар

1-модда. Ушбу Қонуннинг мақсади

Ушбу Қонуннинг мақсади илм-фан ва илмий фаолият соҳасидаги муносабатларни тартибга солишдан иборат.

2-модда. Илм-фан ва илмий фаолият тўғрисидаги қонун ҳужжатлари

Илм-фан ва илмий фаолият тўғрисидаги қонун ҳужжатлари ушбу Қонун ва бошқа қонун ҳужжатларидан иборат.
Агар Ўзбекистон Республикасининг халқро шартномасида Ўзбекистон Республикасининг илм-фан ва илмий фаолият тўғрисидаги қонун ҳужжатларида назарда тутилганидан бошқача қоидалар белгиланган бўлса, халқро шартнома қоидалари қўлланилади.

3-модда. Илм-фан ва илмий фаолият соҳасининг асосий принциплари

Илм-фан ва илмий фаолият соҳасининг асосий принциплари: илмий иход ва ахборот эркинлиги; самарадорлик ва ижодий рақобат; манфаатдорлик ва рағбатлантириш; илмий экспертизанинг ҳолислиги; инсон ҳаёти ва саломатлиги, атроф табиий муҳитга зарар етказмасликдан иборатдир.

4-модда. Илм-фан ва илмий фаолият соҳасининг асосий йўналишлари

Илм-фан ва илмий фаолият соҳасининг асосий йўналишлари: илм-фан ва илмий фаолиятни ривожлантириш орқали миллий иқтисодиёт рақобатбардошлиги ҳамда самарадорлигига эришиш; илм-фан ва технологияларни ривожлантиришнинг устувор йўналишларини белгилаш ва ресурсларни мақсадли йўналтириш; давлат илмий дастурларини ишлаб чиқиш, асослантирилган ташаббус ва лойиҳаларни қўллаб-қувватлаш; илм-фан ва илмий фаолият соҳасида давлат-хусусий шериклики қўллаб-қувватлаш; илм-фанга интилиш ва унинг жозибадорлик муҳитини шакллантириш, ёшларни илмий фаолиятга жалб этиш, ёш истеъод эгаларини тайёрлаб бориш; интеллектуал мулк объектларига бўлган ҳуқуқларни муҳофаза қилиш; илм-фан ва илмий фаолият соҳасини молиялаштиришни оқилона ошириб бориш; илм-фан, таълим ва ишлаб чиқаришнинг узвий боғлиқлигини таъминлаш ҳамда ундан манфаатдорлиқни ошириш; илм-фан ва илмий фаолият соҳасининг ахборот макони билан узвий боғлиқлигини таъминлаш; илм-фан ва илмий фаолият соҳасида халқро ҳамкорликни ривожлантиришдан иборатдир.

2-боб. Илм-фан ва илмий фаолият соҳасини тартибга солиш

5-модда. Ўзбекистон Республикаси Вазирлар Маҳкамасининг илм-фан ва илмий фаолият соҳасидаги ваколатлари

Ўзбекистон Республикаси Вазирлар Маҳкамаси: илм-фан ва илмий фаолият соҳаси асосий йўналишларининг амалга оширилишини таъминлайди; илм-фан ва технологияларни ривожлантиришнинг устувор йўналишларини тасдиқлайди; илм-фан ва илмий фаолият соҳаси инфратузилмасининг шакллантирилиши ҳамда унинг самарали фаолият юритишини таъминлайди; давлат илмий дастурларини амалга оширишда мақсадли кўрсаткичларга эришишни баҳолаш тартибини тасдиқлайди; илм-фан, таълим ва ишлаб чиқаришнинг узвий боғлиқлигини таъминлаш бўйича чора-тадбирларни белгилайди; илм-фан ва илмий фаолият соҳасини молиялаштириш тартиби ҳамда давлат иштирокидаги жамғармаларни ташкил этиш тартибини белгилайди; илмий фаолият юртувчи жисмоний шахсларни ижтимоий муҳофаза қилиш ва рағбатлантиришни таъминлайди; илмий даражалар ва илмий унвонларни бериш тартибини белгилайди; ахборот макониди илм-фан ва технологиялар асослари, ютуқларини оммалаштириш, шунингдек илм-фан ва илмий фаолият соҳасига оид тегишли тадбирларни тарғиб этиш бўйича чора-тадбирларни белгилайди.

6-модда. Ўзбекистон Республикаси Инновацион ривожланиш вазирлигининг илм-фан ва илмий фаолият соҳасидаги ваколатлари

Ўзбекистон Республикаси Инновацион ривожланиш вазирлиги илм-фан ва илмий фаолият соҳасидаги ваколатли давлат органи ҳисобланади (бундан буён матнда ваколатли давлат органи деб юритилади).
Ваколатли давлат органи: илм-фан ва илмий фаолият соҳасининг асосий йўналишларини амалга оширади; илм-фан ва технологияларни ривожлантиришнинг устувор йўналишларини шакллантиради; илм-фан ва илмий фаолият соҳасини ривожлантириш масалалари бўйича давлат бошқаруви органлари, илмий ташкилотлар, олий таълим, ахборот-таҳлил муассасалари ҳамда бошқа ташкилотларнинг фаолиятини мувофиқлаштиради; илмий фаолиятга оид давлат дастурлари, илмий фаолиятга оид давлат мақсадли дастурларини ишлаб чиқади ва тасдиқлайди ва уларнинг ижросини назорат қилади, илмий фаолиятга оид ҳудудий дастурлар ишлаб чиқилишини мувофиқлаштиради; илмий фаолиятга оид давлат дастурлари доирасидаги лойиҳалар танловини ўтказидаи ва уларни молиялаштиради; илмий лойиҳалар бўйича давлат буюртмаларини шакллантиради, давлат рўйхатини юритади, бажарилишини мониторинг қилади ва улар юзасидан ҳисоботлар қабул қилади; Ноёб илмий объектлар рўйхатини шакллантиради ва тасдиқлайди; ўзаро манфаатли халқро илмий ҳамкорлиқни ривожлантириш, илм-фан ва илмий фаолият соҳасига чет эл инвестицияларини жалб қилишга кўмаклашади; илмий даражали кадрларни тайёрлаш тизимини мувофиқлаштиради.

(Давоми 2-бетда).

Ўзбекистон Республикаси Президентининг Қ А Р О Р И

ЎЗБЕКИСТОН РЕСПУБЛИКАСИДА РЕГБИ СПОРТ ТУРИНИ РИВОЖЛАНТИРИШ ЧОРА-ТАДБИРЛАРИ ТЎҒРИСИДА

Сўнгги йилларда мамлакатимизда жисмоний тарбия ва спортни ҳар томонлама қўллаб-қувватлаш ва ривожлантириш, спортнинг ҳар хил турларини, шу жумладан, регбини янада оммалаштириш, спорт билан шуғулланиш учун қулай шарт-шароитлар ва инфратузилма яратишга қаратилган комплекс чора-тадбирлар амалга оширилди.
Ҳозирги вақтда регби республикаимизда жадал ривожланаётган спорт турларидан биридир. Ўзбекистон регби федерацияси ва унинг ҳудудий бўлиnmалари ташкил этилди ҳамда фаолият кўрсатмоқда, регби бўйича Ўзбекистон миллий терма жамоаси нуфузли халқро мусобақаларда ("Asian Olympic Pre-Qualifier", "Asian 7's") фаол иштирок этиб, шарафли ўринларни эгаллаб келмоқда, ушбу жамоа Осиё минтақасидаги давлатлар орасида кучли саккизликка қиради.
Шу билан бирга, моддий-техник база ва инфратузилманинг етарли эмаслиги, регби бўйича мутахассисларни тайёрлаш, қайта тайёрлаш ва малакасини оширишнинг уйғун тизими яратилмаганилиг соҳанинг янада ривожланишига ҳамда Ўзбекистон миллий терма жамоасининг нуфузли халқро мусобақаларда муносиб иштирокини таъминлашга тўсқинлик қилмоқда.
Регбини янада ривожлантириш, уни республика

аҳолисининг кенг қатламлари ўртасида фаол тарғиб қилиш ва оммалаштириш, юқори сифатли ўқув-машқ жараёнини таъминлаш, регбичилар, тренерлар ва ҳакамларнинг маҳорат даражаси ва малакасини доимий ошириб бориш учун қулай шарт-шароитлар яратиш, шунингдек, регбичи-спортчиларни тайёрлаш учун моддий-техник базани мустаҳкамлаш мақсадида:
1. Ўзбекистон Республикаси Жисмоний тарбия ва спорт вазирлиги, Молия вазирлиги, Ўзбекистон Миллий олимпия қўмитаси ва Ўзбекистон регби федерациясининг қуйдаги тақлифлари маъқуллансин:
а) ҳар бир ихтисослаштирилган олимпия заҳиралари мактаб-интернатларида регби бўлимларини очиш;
б) болалар-ўсмирлар спорт мактабларига ишга қабул қилинаётган регби бўйича мураббийлар номзодларини Ўзбекистон регби федерацияси билан мажбурий келишиш тартибини жорий қилиш;
в) қуйдагиларни назарда тутувчи регби бўйича спорт мусобақаларини ўтказишнинг тўрт босқичли тизимини жорий этиш:
биринчи босқичда — спорт клублари, секциялари жамоалари ўртасидаги спорт мусобақалари (чемпионат, биринчилик, кубок);
иккинчи босқичда — спорт клублари, секциялари

(Давоми 3-бетда).

Парламентдаги мухбирларимиз хабар қилади

МИЛЛИЙ ЭТАЛОНЛАРНИ ХАЛҚРО ЭТАЛОНЛАР БИЛАН СОЛИШТИРИБ БОРИШ МАЖБУРИЙЛИГИ ЎРНАТИЛАДИ

Олий Мажлис Қонунчилик палатасининг 2019 йил 29 октябрда бўлиб ўтган мажлисида депутатлар қўллаб долзарб масалалар қатори “Метрология тўғрисида”ги Ўзбекистон Республикаси Қонунига ўзгартиш ва қўшимчалар киритиш ҳақида”ги қонун лойиҳасини ҳам атрофлича муҳокама қилдилар.

Шу йил 22 июлда депутатлар томонидан биринчи ўқишда концептуал жиҳатдан маъқулланган мазкур лойиҳа айни соҳадаги қонун ҳужжатларини метрология соҳасидаги халқро ҳужжатлар талабларига мувофиқлаштириб, уйғуналаштиришга қаратилган. Шу билан бирга, лойиҳа мамлакатимизда ишлаб чиқарилаётган маҳсулотлар (хизматлар) хавфсизлигини таъминлаш, сифатини ва рақобатдошлигини ошириш, шунингдек, ички бозорни хавфли товарлардан ҳимоялаш, синов, калибрлаш, қиёслаш лабораторияларининг техник омилкорлигини ошириш, фаолият натижаларининг халқро даражада эътироф этилишини таъминлаш мақса-

дида ишлаб чиқилган. Амалдаги Қонун 1993 йил қабул қилинган бўлиб, унда 16 та ҳаволаки норма мавжуд. Бугунги кунда бу ҳужжат халқро талабларга мос келмаслиги туфайли миллий аккредитация тизимининг халқро даражада тан олинишига имкон бермаяпти ҳамда санот-аънинг барча тармоғида юқори аниқликка эришиш йўлида тўсиқ бўлаётир. Муҳокама жараёнида шу масалалар айни нуктаи назардан қайта кўриб чиқилди. Бундан ташқари, қонун лойиҳаси билан миллий эталонларни тизимли равишда халқро эталонлар билан солиштириб бориш мажбурийлиги ўрнатилмоқда.

Рейтингда Ўзбекистон нега 165-ўринда экани ойдинлашди

Муҳокама жараёнида “Ўсимликлар карантини тўғрисида”-ги Ўзбекистон Республикаси Қонунига ўзгартиш киритиш ҳақида”ги қонун лойиҳаси ҳам кўрилди.
У Президентимизнинг “Ташқи иқтисодий фаолиятни амалга оширишда маъмурий тартиб-таомилларни янада такомиллаштириш чора-тадбирлари тўғрисида”ги қарори ижроси юзасидан ишлаб чиқилган.
Бу қарор билан ташқи иқтисодий фаолият иштирокчилари ветеринария руҳсатномаларини, фитосанитария ва ветеринария сертификатларини расмийлаштириш учун экспорт қилишдан 30 кун олдин ариза билан мурожаат этиш тартиби бекор қилинди.



3

ҚЎМИТАЛАР ЗИММАСИДАГИ ВАЗИФАЛАРНИ ҚАЙ ДАРАЖАДА УДДАЛАЯПТИ?

Ўзбекистон Республикаси Давлат солиқ қўмитаси — солиқ қонунчилигига риоя этилиши ва давлатнинг иқтисодий манфаатлари ҳимоя қилиниши соҳасидаги назоратни таъминлаш бўйича бир қатор муҳим масалаларни ҳал қилиш учун масъул ташкилот.

Хўш, қўмита ана шу вазифаларни қай даражада уддалаяпти?
Олий Мажлис Сенатининг Бюджет ва иқтисодий ислохотлар масалалари қўмитаси мажлисида Давлат солиқ қўмитаси раиси ўринбосари О. Файзибоев соҳада амалга оширилаётган ишларнинг тўққиз ойлик якуни бўйича ҳисобот берди.

Маълумотларга кўра, жорий йилда қўмита зиммасига 38 та вазифа юклатилиб, улардан 20 таси жорий йилнинг тўққиз ойида бажарилиши белгиланган.



Андижон вилояти: ЎЗГАРИШЛАР САМАРАСИ ОДАМЛАР КАЙФИЯТИДА АКС ЭТМОҚДА

Президентимизнинг Андижон вилоятига амалга оширган ташрифлари ҳудудда олиб борилаётган ишларга жадаллик бағишлади, десак айни ҳақиқатни айтган бўламиз. Бунинг биргина 2018 йилда вилоятда эришилган макроиқтисодий кўрсаткичлар ҳам тасдиқлаб турибди. Жумладан, ялпи ҳудудий маҳсулот ҳажми 112,1, саноят маҳсулотлари ишлаб чиқариш 155,8, халқ истеъмоли моллари ишлаб чиқариш 164,8, капитал қўйилмалар ҳажми 119,1 фоизни ташкил этди. Айни пайтга келиб вилоятда тайёрланаётган маҳсулотлар 15 та давлатга экспорт қилинмоқда. Айниқса, Хитой, Жанубий Корея, АҚШ, Россия, Қозоғистон, Қирғизистон, Афғонистон, Ҳиндистон ва Исроилда ҳудуд маҳсулотларига бўлган талаб тобора ортиб бормоқда.

Янгиланаётган Ўзбекистон одимлари



4-саҳифага қаранг.

